

LOKAL SÆRAVTALE FOR ARBEIDSTØY

Vedteke som resultat av forhandling 06.07.2021 mellom Nissedal kommune og dei lokale arbeidstakarorganisasjonane med heimel i hovudavtalen del A § 4-5.

§ 1 GENERELT

Særavtalen er utarbeidd med heimel i SGS 1002 Arbeidstøy og musikkinstrumenter. Reglane i særavtalen gjeld ikkje når dei strir mot lov, tariffavtalar eller andre vedtekter som er bindande for kommunen.

Særavtalen gjeld for perioden 01.01.2021-31.12.2023. Kvar av partane kan seie opp avtalen innan 3 månader før utløp. Dersom partane ikkje seier opp avtalen innan fristen, vert den forlenga i eitt år av gonga. Ved forlenging skal satsane justerast etter konsumprisindeks.

Arbeidsgivar er ansvarleg for å gjere avtalen kjent for alle tilsette gjennom t.d. å leggje den ut på kommunen sitt intranett.

Med uttrykket tilsett i avtalen meiner partane tilsette etter hovudtariffavtalen kap. 1 § 1.1.

Der tilsette får ei årleg godtgjersle pga. slitasje på privat tøy/sko, er dette ein kompensasjon for slik slitasje. Godtgjersla fell difor bort ved fråvær/permisjonar over 6 månadar. Godtgjersla vert utbetalt månadleg.

Arbeidstøy kjøpt inn av arbeidsgivar skal berre nyttast i samband med arbeid i kommunen sin regi, og skal som hovudregel ha Nissedal kommune sin logo.

Grunnlaget for om arbeidsgivar kjøper inn arbeidstøy blir vurdert ut i frå ein eller fleire faktorar som nemnt under:

- Ekstraordinær slitasje
- Ekstraordinær tilsmussing av klede
- Arbeidstøy skal vere tilpassa ulike årstider og arbeidsart.
- Arbeid som ikkje kan utførast i kleda tilsette brukar til og frå arbeidet (sjå bort i frå variasjonar som skuldast årstid, temperatur og /eller nedbør)
- Trong for å bli sett eller identifisert
- Arbeidsgivar si avgjersle om profilering/marknadsføring
- Arbeidsgivar si avgjersle om uniform

§ 2 TILSETTE I BARNEHAGE

Alle tilsette i barnehage med heile eller delar av stillinga si knytt til arbeid direkte med barna i barnehagen er omfatta av særavtalen. Reint administrative stillingar (t.d. einingsleiar) er ikkje omfatta av særavtalen.

Tilsette i 50% stilling eller meir får ei årleg godtgjersle på kr 2.000 pga. ekstra slitasje på privat tøy/sko. For tilsette med inntil 50% stilling vert godtgjersla sett til kr 1.000 pr. år.

Arbeidsgivar kjøper inn personlege varmedressar. Arbeidstøyet skal så langt det er råd ha Nissedal kommune sin logo.

§ 3 TILSETTE I SKULE/SFO

Alle lærarar med undervisning innan mat og helse, naturfag, kunst og handtverk, arbeidslivsfag, uteskule og kroppsøving er omfatta av særavtalen. Vidare er alle assistentar/fagarbeiderar med elevarbeid omfatta av særavtalen.

Lærarar i 50% stilling eller meir innan uteskule, kroppsøving får ei årleg godtgjersle på kr 2.000 pga. ekstra slitasje på privat tøy og sko. For tilsette med inntil 50% stilling innan nemnte fagområde vert godtgjersla sett til kr 1.000 pr. år.

Assistentar/fagarbeidarar i 50% stilling eller meir får ei årleg godtgjersle på kr 2.000 pga. ekstra slitasje på privat tøy og sko. For tilsette med inntil 50% stilling innan nemnte fagområde vert godtgjersla sett til kr 1.000 pr. år.

Abeidsgivar kjøper inn personleg føremålstenleg arbeidstøy i form av t.d. frakkar/forklede for tilsette sin bruk i arbeidet i faga mat og helse, naturfag, kunst og handtverk og i SFO. Arbeidsgiver kjøper inn personleg varmedress for tilsette i uteskule. Arbeidstøyet skal så langt det er råd ha Nissedal kommune sin logo.

§ 4 TILSETTE PÅ PLANKONTORET

Alle tilsette på plankontoret som har uteteneste er omfatta av særavtalen.

Arbeidsgivar held nødvendig arbeidstøy til bruk i uteteneste. Innkjøp er behovsprøvd.

Arbeidstøyet skal så langt det er råd ha Nissedal kommune sin logo.

§ 5 TILSETTE I TEKNISK – REINHOLD

Alle tilsette reinhaldarar er omfatta av særavtalen.

Arbeidsgivar kjøper inn personleg føremålstenleg arbeidstøy/uniform.

Tilsette i 50% stilling eller meir får ei årleg godtgjersle på kr 1.000 pga. ekstra slitasje på privat skotøy. For tilsette med inntil 50% stilling vert godtgjersla sett til kr 500 pr. år.

Arbeidstøyet skal så langt det er råd ha Nissedal kommune sin logo.

§ 6 TILSETTE I TEKNISK DRIFT

Alle tilsette innan teknisk drift er omfatta av særavtalen.

Arbeidsgivar held nødvendig arbeidstøy til bruk i tenesta. Innkjøp er behovsprøvd.

Arbeidstøyet skal så langt det er råd ha Nissedal kommune sin logo.

§ 7 TILSETTE I BRANN

Alle tilsette innan brann er omfatta av særavtalen.

Arbeidsgivar held utrykkingstøy til bruk i tenesta. Innkjøp er behovsprøvd.

§ 8 TILSETTE I TENESTA FOR FUNKSJONSHEMMA

Alle tilsette med heile eller delar av stillinga si direkte knytt til miljøarbeid med brukar er omfatta av særavtalen. Reint administrative stillingar (t.d. einingsleiar) er ikkje omfatta av særavtalen.

Tilsette i 50% stilling direkte knytt til miljøarbeid med brukar, får ei årleg godtgjersle på kr 2.000 pga. ekstra slitasje på privat tøy/sko. For tilsette med inntil 50% stilling direkte knytt til miljøarbeid med brukar vert godtgjersla sett til kr 1.000 pr. år.

§ 9 TILSETTE I OMSORG

Alle tilsette med heile eller delar av stillinga si direkte knytt til arbeid med brukarar er omfatta av særavtalen. Reint administrative stillingar (t.d. einingsleiar) er ikkje omfatta av særavtalen.

Arbeidsgivar kjøper inn ikkje-personleg føremålstenleg arbeidstøy/uniform. Arbeidstøyet er felles og blir reingjort på vaskeriet.

I tillegg får tilsette i heimetenesta personlege ytterjakker, både til vinter- og sommarbruk.

Arbeidstøyet skal så langt det er råd ha Nissedal kommune sin logo.

Tilsette i 50% stilling eller meir får ei årleg godtgjersle på kr 1.000 pga. særskilt behov for sko for bruk i arbeidet. For tilsette med inntil 50% stilling vert godtgjersla sett til kr 500 pr. år.

§ 10 TILSETTE I HELSEAVDELINGA

Alle tilsette med heile eller delar av stillinga si direkte knytt til arbeid med pasientar er omfatta av særavtalen.

Arbeidsgivar kjøper inn personleg føremålstenleg arbeidstøy/uniform for tilsette som har direkte kontakt med pasientar.

Tilsette i 50% stilling eller meir med arbeid direkte knytt til pasientar får ei årleg godtgjersle på kr 1.000 pga. ekstra slitasje på privat skotøy. For tilsette med inntil 50% stilling direkte knytt til arbeid med pasientar vert godtgjersla sett til kr 500 pr. år.


Arbeidstøyet skal så langt det er råd ha Nissedal kommune sin logo.

For Nissedal kommune:



Sverre Sæter
Rådmann

For arbeidstakarorganisasjonane:




Alexander Vrålstad
Fagforbundet



Anne Karin Grimstveit
Norsk Sykepleierforbund



Leif Arild Sanden
Utdanningsforbundet



Bjarne Underdal
NITO



Gerd Dalane
Delta



Ragna Lunden
FO